



MINISTÉRIU NEGOSIU ESTRANJEIRU EUA

Gabinete Porta-Voz

BA PUBLIKASAUN IMEDIATA

21 Setembru 2018

DEKLARASAUN HUSI PORTA-VOZ HEATHER NAUERT

Ministériu Negósiu Estranjeiru Estados Unidos Amérika no espnW Junta Forsas hamutuk ba Sétimu Programa Anuál Globál ba Mentor Desportivu sira

Hahú husi lora 24 Setembru to'o 31 Outubru, líder desportivu internasionál sira no mentor Amerikanu sira iha setór desportu nian iha país ne'e nia laran sei hola parte iha Departamentu Negósiu Estranjeiru EUA no espnW nia Programa Anuál Globál ba Mentor Desportivu sira (GSMP). Iha programa ne'e nia tinan dahitu, sei iha interkámniu dezenvolvimentu profisionál atu fó apóiu ba Departamentu Estada nia esforsu sira ne'ebé lao dadaun hodi kapasita feto sira no labarik feto sira iha mundu tomak liuhusi desportu sira.

Serbisu hamutuk ho líder feto emerjente sira, feto ezekutivu seniór sira iha desportu Estados Unidos nian loke sira-nia organizasaun ida-idak hodi sai fatin uma-nain atu fahe hanoin sira kona-ba negósiu, emprenderismu, no jestaun estratéjiku. Iha sorin seluk, mentor Amerikanu sira hetan perspetiva foun barak no rede globál ne'ebé luan liu tan. Mentor sira mós orienta delegasaun internasionál sira hodi dezenvolve planu asaun sira atu kapasita feto sira no labarik feto sira liuhusi modalidade desportu sira iha sira-nia rain. Atu fali iha dalan ba feto sira hodi halai iha Peru ka uza *kick-boxing* iha India ka, lihusi sira-nia planu asaun sira, desportista feto sira husi GSMP hamosu ona impaktu pozitivu no direktamente ba ema hamutuk 225,000 iha mundu tomak.



Tinan ne'e partisipante sira iha GSMP, mai husi Bangladexe, Brazil, Burma, Izrael, Malázia, Nijéria, Pakistaun, Teritóriu sira Palestina nian, Rúsia, Sérbia, Áfrika Sul, Timor-Leste, Vietname, no Zambia, sei ba hamutuk ho antigu alunu esepSIONÁL sira hamutuk 99 – Olimpianu sira, Paraolimpianu sira, jornalista sira, ofisiál ministeriál sira, líder sosiedade sivil sira, administradór desportivu sira, no sira seluk tan – husi nasaun liu 50.

Mentor sira tinan ne'e representa husi: *the BIG EAST, Burton Snowboards, Creative Artists Agency, ESPN, FOX Sports, Gatorade, Google, National Collegiate Athletic Association, National Hockey League, Saatchi & Saatchi LA, Universidade Connecticut*, Asosiasaun Ténis Estados Unidos nian, *no Spurs Sports and Entertainment*. Ho Universidade Tennessee nia Sentru ba Desportu, Dame, no Sosiedade sai hanesan parseiru kooperativu dezde inísiu, GSMP sai ona hanesan prova ida husi parseria susesu entre governu, setór privadu, no akademia sira.

Partisipa iha konversa iha média sosiál uza *hashtag* #EmpowerWomen. Atu hetan informasaun barak liu tan, favór kontaktu ba Diresaun Asuntus Edukasaun no Kulturál iha ECA-Press@state.gov no ESPN's Tara Chozet iha Tara.c.chozet@ESPN.com

###